

Allan Howell:

A yega na un solucion pa tur inkietud y deseonan di e trahadornan di Parkietenbos

ORANJESTAD (AAN): Allan Howell ta traha den despacho di minister Mike de Meza y tabata na un reunion, representando e minister, cu a tuma lugha na oficina di mediador di gobierno, entre sindicato, Serlimar, entre otro. Apidi oido di parti di Ministerio di Medio Ambiente.

El a splica cu a reuni riba diferente punto, aspecto cu e trahadornan di Parkietenbos ta spera. A yega na un solucion pa tur e inkietud y deseonan pa e trahadornan di Parkietenbos. Entre otro tabata tin deseo di un miho forma di trabao, stof cu ta bula cu ta ahigienico, nan kier a mira pa pone asfalt, tambe e sistema di chubato, tractornan cu mester tin facilidad pa nan trabao. Nan ta bisa cu falta di material pa nan por eherce nan trabao. Otro aspecto tabata cosnan chikito manera nan ambiente di trabao y tur cos a wordo repasa. Tabata tin pa por a muestra e sindicato cu ta trahando riba dje caba, cu ya caba a cuminsa cu cierto mehoracion di e trabao pa por tene e trahadornan mas tranquil cu ta posibel. Tin cu bisa si cu hopi di e reclamonan cu nan tabata tin di trahado ta na nan lugha. Minister de Meza ta di acuerdo cu cierto di e puntonan aki mester wordo drecha rapidamente y pa e motibo ey Howell tabata tey presente na e reunion pa muestra cu ta trahando riba dje caba y e puntonan ta preto riba blanco pa percura pa nan haya loke nan ta desea pa asina e trabao por bay mas miho.



Un di e problemanan ta kimamento, pero e no ta un di e preocupacionnan di mas grandi. Howell a splica cu e preocupacionnan mas grandi ta e ambiente di trabao cu nan ta den dje. Un di e partinan cu ta fastioso, tin cu bay sinta cu Cuerpo Policial, caminda cu tin e sistema pa hopi aña cu hendenan ta baha di barco y ta sali pa eynan. Tin cu bay sinta cu Cuerpo Policial pa trece un fin di esey. Ora cu e hendenan baha di barco, nan ta bay Parkietenbos pa busca hero of

otro material cu nan por uza y hiba bek Venezuela of otro parti. Esey tin cu bin un stop na dje. Tin cu bin cu un miho plan di seguridad y elimina e problema ey. Hopeljk cu esey ta e problema. Ta zona aki cu ta nan ta pega dump na candela, pero tin informacion y investigacion ta muestra, cu no ta asina. Hopi biaha ta factornan politico ta hunga un rol, aki ta pa trece un mal imagen na Aruba. Hende mester compronde, na cual persona cu ta bezig ta haci

e cosnan aki, no ta haci un daño na e gobierno, sino na nos medio ambiente y ta haci daño na nos cara di nos isla, pasobra hopi biaha nan ta haci exactamente na momento cu tin crusero aden y no ta compronde cu ta daño e producto di Aruba, daño nos turismo, cu ta nos pilar di mas fuerte di Aruba.

Howell ta haci un apelacion na e personanan cu ta haci esaki, evita di haci e pasobra bo no ta haci un fabor politico, sino bo ta haci un daño na Aruba.

Te awor aki tin e puntonan cu por cuminsa cun'e pronto, pero tin punto cu no por haci di un dia pa otro. Tin punto cu tin cu pone un deadline tiki mas leu. Puntonan cu ta

valido y cu e trahadornan tin rason, Howell mes lo percura pa nan haya lokenan merece di haya, pasobra pa por produci bon, pa por traha dushi, mester tin bo trahadornan contento. Minister de Meza ta 100% para tras di esey, pa percura pa e trahadornan haya loke nan merece pa asina nan produci y traha bon manera debe ser.

Tin cos cu por haci awor aki cu ta facil, den nan espacio unda nan ta sinta, nan cantina cu nan kier verf y mobiliario nobo cual cos cu por haci awor aki y tin otro cos cu ta costa cu ta den planning awor aki. E director di Serlimar ta bezig cu esey caba cu por dura un poco mas, pero ta na caminda caba si, Howell a termina.